

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 27-01-2023			
Org. jed.	Kl. ozna.	Red. broj	Br. priloga
01	19	226/23	

Broj: 02-11-121/23-AP-3
Datum: 25.01.2023. godine

PREDSJEDAVAJUĆI
GRADSKOG VIJEĆA
(po ovlaštenju Gradskog vijeća)
broj: 01-04-3088/22-AP-6 od 29.12.2022. godine
Šemsudin Skejić, dipl. ing. maš.

PREDMET: Prijedlog Odluke o finansiranju redovnog rada
mjesnih zajednica u 2023. godini, dostavlja se

U prilogu akta dostavljam Vam Prijedlog Odluke o finansiranju redovnog rada mjesnih zajednica u 2023. godini.

Prijedlog Odluke o finansiranju redovnog rada mjesnih zajednica u 2023. godini dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović





Broj: 02-11-121/23-AP-2
Datum: 25.01.2023. godine

Na osnovu člana 31. stav (1) tačka 1) Zakona o principima lokalne samouprave („Službene novine FBiH“, broj: 49/06), člana 86. Statuta Općine Zavidovići („Službeni glasnik Općine Zavidovići“, broj: 5/08 i 5a/08 i 11/19), Privremene Statutarne Odluke Grada („Službeni glasnik Općine Zavidovići“, broj: 4/22) i člana 32. Odluke o izvršavanju Budžeta Grada Zavidovići za 2023. godinu („Službeni glasnik Grada Zavidovići“, broj: 8/22), Gradsko vijeće Zavidovići na __. sjednici od __. __. 2023. godine, donijelo je

ODLUKU
o finansiranju redovnog rada
mjesnih zajednica u 2023. godini

Član 1.

Odlukom o finansiranju redovnog rada mjesnih zajednica u 2023. godini (u daljem tekstu: Odluka) utvrđuje se ukupna visina sredstava u Budžetu Grada za rad i funkcionisanje mjesnih zajednica, kriteriji za podjelu tih sredstava na mjesne zajednice, način i uvjeti korištenja sredstava za redovan rad mjesnih zajednica u 2023. godini.

Ukupna sredstva u 2023. godini utvrđuju se u iznosu od 100.000,00 KM.

Član 2.

Sredstva iz člana 1. stav (2) Odluke raspoređuju se mjesnim zajednicama prema sljedećim kriterijima:

- 31,5% linearno,
- 68,5% prema broju stanovnika iz evidencije MUP-a Odsjeka za administraciju Zavidovići.

Tabelarni prikaz raspodjele novčanih sredstava po mjesnim zajednicama, na osnovu elemenata iz stava (1) ovog člana, sastavni je dio ove Odluke.

Član 3.

Iz ukupno opredijeljenih sredstava, u omjeru od po 50%, finansirat će se:

- a) troškovi redovnog rada,
- b) učešće u projektnim aktivnostima koji su od interesa za građane, infrastrukturni projekti, učešće u projektima Grada, viših nivoa vlasti, međunarodnih organizacija, nevladinih organizacija i dr.

Troškovi redovnog rada su: troškovi komunalnih usluga, električne energije, telekomunikacijske usluge, kancelarijski materijal, održavanje prostorija, troškovi održavanja sjednica savjeta i administrativne usluge savjetu mjesnih zajednica.

Sredstva za redovan rad će se doznavačavati na tromjesečnom nivou u visini od 1/4 ukupno opredijeljenih sredstava mjesnoj zajednici na godišnjem nivou prema članu 3., stav (1), tačka a), ove Odluke.

Sredstva opredijeljena u članu 3., stav (1), tačka b) ove Odluke će se odobravati po potrebi na osnovu posebnih zahtjeva mjesnih zajednica koji se odnose na konkretne projekte i aktivnosti uz Odluku Savjeta mjesne zajednice o pokretanju tih projekata, foruma i zбора

građana i mogu se u cjelokupnom iznosu odobriti po jednom zahtjevu u zavisnosti od vrste i vrijednosti projekta.

Član 4.

Uz zahtjev za odobravanje sredstava mjesne zajednice dostavljat će narativni izvještaj o utrošku sredstava iz prethodne tranše uz dokaze o utrošku (pravdanje) sredstava kao što su: ugovor, fiskalni računi, virmani, isplatnice i sl.

Za obaveze plaćane virmanom ili isplatnicom dostavljati Odluku Savjeta, narudžbenicu i račun po kojem je izvršeno plaćanje te tromjesečne izvode iz banke.

Savjeti mjesnih zajednica koji isplaćuju troškove o održavanju sjednica Savjeta, članovima Savjeta, obavezni su dostaviti dokaz o prisustvu članova Savjeta i isplati troškova (tabelarni pregled) sa potpisima članova Savjeta.

Troškovi administrativnih usluga se pravdaju ugovorima o djelu ili Odlukom o angažovanju za pružanje usluga sa navedenom visinom naknade.

Sve mjesne zajednice su dužne, do 5. u mjesecu dostavljati zapisnike sa održanih sjednica savjeta mjesnih zajednica za protekli mjesec, potpisane od strane svih prisutnih na sjednici savjeta ili obavještenje predsjednika mjesne zajednice ukoliko sjednica za taj mjesec nije održana.

Savjetima mjesnih zajednica koji ne izvrše pravdanje utroška sredstava na opisani način i ne dostave navedene akte neće se odobriti naredna tranša.

Savjetima mjesnih zajednica koji nisu izvršili zakonsku i statutarnu obavezu podnošenja godišnjeg Izvještaja o radu i finansijskom poslovanju, neće se odobriti sredstva za redovan rad do ispunjenja te obaveze.

Član 5.

Izuzetno od odredbi člana 3. u slučajevima ukazane potrebe izazvane posebnim okolnostima i ranije nastalim finansijskim obavezama koje utiču na dalji nesmetan redovan rad i finansijsko poslovanje mjesnih zajednica isplata sredstava se može vršiti u drugačije utvrđenim iznosima i dinamikom ili jednokratno u visini cijelog Raspodjelom utvrđenog godišnjeg iznosa sredstava za određenu mjesnu zajednicu.

Odobrovanje sredstava na način iz prethodnog stava će se vršiti na osnovu akata Gradonačelnika prema opravdanim zahtjevima mjesnih zajednica.

Član 6.

U slučaju nemogućnosti samostalnog finansijskog poslovanja pojedinih mjesnih zajednica, Grad može iz ukupno opredijeljenih sredstava za određenu mjesnu zajednicu vršiti plaćanje računa komunalnih usluga i drugih potreba neophodnih za funkcionisanje mjesne zajednice.

Član 7.

U slučaju promjene broja mjesnih zajednica, vršit će se preraspodjela u okviru planiranih sredstava za finansiranje mjesnih zajednica u Budžetu Grada Zavidovići za 2023. godinu.

Član 8.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“, a primjenjivat će se za 2023. godinu.

PREDSJEDAVAJUĆI
GRADSKOG VIJEĆA

(po ovlaštenju Gradskog vijeća)

broj: 01-04-3088/22-AP-6 od 29.12.2022. godine

Šemsudin Skejić, dipl. ing. maš.

O B R A Z L O Ž E N J E

PRAVNI OSNOV DONOŠENJA ODLUKE

U članu 31. stav (1) tačka 1) Zakona o principima lokalne samouprave, navedeno je: „Sredstva za rad mjesne zajednice, odnosno drugog oblika mjesne samouprave su:

1) mjesne zajednice imat će prihode srazmjerne ovlaštenjima predviđenim zakonom i statutom;”

U članu 86. Statuta Općine Zavidovići, navedeno je: „Sredstva za rad mjesnih zajednica, odnosno sredstva za obavljanje poslova koji su iz samoupravnog djelokruga Općine preneseni ili povjereni mjesnim zajednicama obezbjeđuju se u budžetu Općine.

Mjesna zajednica može osigurati prihode za obavljanje svojih poslova i iz:

- sredstava samodoprinosna,
- sredstava za usluge koje svojim aktivnostima ostvari,
- sredstava od imovine i imovinskih prava,
- sredstava od pomoći, poklona pravnih i fizičkih lica
- i druga sredstva.

U članu 32. Odluke o izvršavanju Budžeta Grada Zavidovići za 2023. godinu, navedeno je:

„Sredstva utvrđena u Razdjelu 13208 Funkcionalni kod 0180 Budžeta pozicija „Transfer mjesnim zajednicama“ koriste se za redovan rad mjesnih zajednica, a na osnovu akata koje donosi Gradsko vijeće.“

RAZLOZI ZA DONOŠENJE ODLUKE

Neupitna društvena potreba organizovanja i efikasnog funkcionisanja mjesnih zajednica u skladu sa Zakonom o principima lokalne samouprave i Statutom Općine Zavidovići, realizuje se u praksi, između ostalog donošenjem i ove Odluke.

Odredbe prijedloga Odluke su utvrđene na osnovu ranije uočenih potreba za povremeno drugačiji model finansiranja rada mjesnih zajednica posebno kada imaju teškoće u radu zbog blokiranih računa ili izmirenja poreskih obaveza. Predviđena mogućnost isplate većeg iznosa od planirane tranše ili cjelokupnog godišnjeg iznosa za određenu mjesnu zajednicu, omogućila bi realizaciju sporazuma o izmirenju duga, izmirenje poreskih i drugih ranije nastalih finansijskih obaveza koje daljim prolongiranjem stvaraju dodatno kamatno opterećenje mjesnih zajednica.

Smanjenje broja tranši olakšava, pojeftinjuje i ubrzava administrativno-finansijsko poslovanje mjesnih zajednica.

Polazeći od navedenog, a u skladu sa odredbama člana 86. stav (1) Statuta Općine Zavidovići i usvojenim Budžetom Grada Zavidovići za 2023. godinu, pripremljena je ponuđena Odluka.


U prilogu akta dat je tabelarni pregled broja stanovnika mjesnih zajednica prema podacima MUP-a ZDK - Odsjek za administraciju Zavidovići.

FINANSIJSKA SREDSTVA POTREBNA ZA SPROVOĐENJE ODLUKE

Za sprovođenje ove Odluke planirana su sredstva u Budžetu Grada Zavidovići za 2023. godinu u iznosu od 100.000,00 KM.

Predlaže se Gradskom vijeću da usvoji ponuđenu Odluku.

Obradila: 
(Selma Džaferović)

Kontrolisao: 
(Idriz Alihodžić)



GRADONAČELNIK

doc. dr. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu



RASPODJELA SREDSTAVA ZA RAD MJESNIH ZAJEDNICA U 2023. GODINI

RB	MJESNA ZAJEDNICA	LINEARNO	PO BROJU STANOVNIKA	UKUPNO
1.	ASIM ČAMDŽIĆ	1.500,00 KM	9.152,00 KM	10.652,00 KM
2.	KLEK	1.500,00 KM	7.992,60 KM	9.492,60 KM
3.	BRANIOCI GRADA	1.500,00 KM	6.042,70 KM	7.542,70 KM
4.	DUBRAVICA	1.500,00 KM	3.069,40 KM	4.569,40 KM
5.	DOLINA-ALIĆI	1.500,00 KM	2.142,90 KM	3.642,90 KM
6.	PAŠIN KONAK	1.500,00 KM	5.412,00 KM	6.912,00 KM
7.	MEČEVIĆI	1.500,00 KM	2.372,40 KM	3.872,40 KM
8.	VOZUČA	1.500,00 KM	3.304,00 KM	4.804,00 KM
9.	RIBNICA	1.500,00 KM	1.588,70 KM	3.088,70 KM
10.	MAOČA	1.500,00 KM	536,40 KM	2.036,40 KM
11.	RUJNICA	1.500,00 KM	2.987,80 KM	4.487,80 KM
12.	KOVAČI	1.500,00 KM	7.729,10 KM	9.229,10 KM
13.	BREZIK	1.500,00 KM	2.272,10 KM	3.772,10 KM
14.	KRIVAJA-SMAILBAŠIĆI	1.500,00 KM	839,00 KM	2.339,00 KM
15.	GOSTOVIĆ	1.500,00 KM	5.495,30 KM	6.995,30 KM
16.	DONJI GOSTOVIĆ	1.500,00 KM	1.898,10 KM	3.398,10 KM
17.	LOVNICA	1.500,00 KM	2.448,90 KM	3.948,90 KM
18.	MAHOJE	1.500,00 KM	686,00 KM	2.186,00 KM
19.	DOLAC	1.500,00 KM	242,30 KM	1.742,30 KM
20.	STIPOVIĆI	1.500,00 KM	1.068,50 KM	2.568,50 KM
21.	KRIVAJA	1.500,00 KM	1.219,80 KM	2.719,80 KM
UKUPNO		31.500,00	68.500,00 KM	100.000,00 KM

*Broj stanovnika preuzet iz evidencije prijava boravka u MUP-u-Odsjek za administraciju Zavidovići na dan 10.8.2017.godine.

Napomena: 1 stanovnik = 1,70 KM

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravljanje društvenih djelatnosti,
pitanja boraca i opću upravu

Broj: 04-45-17/23-AP-16
Datum: 13.1.2023. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 16-01-2023			
Org. jed.	Kl. ozn.	Red. broj	Br. priloga
02	11	129/23	

GRADONAČELNIK
- O V D J E -

U skladu sa programom rada Gradskog vijeća u prilogu akta dostavljamo Vam prijedlog Odluke o finansiranju redovnog rada mjesnih zajednica u 2023. godini, tabelarni prikaz broja stanovnika preuzet iz evidencije prijave boravka u MUP-u, Odsjek za administraciju Zavidovići i tabelarni prikaz raspodjele sredstava za rad mjesnih zajednica u 2023. godini, na dalje razmatranje i upućivanje prema Gradskom vijeću Zavidovići.

S poštovanjem,

POMOĆNIK GRADONAČELNIKA

Idriz Alihodžić, prof.

Dostavljeno:

1. Naslovu,
2. a/a.

Obradila:

(Selma Džaferović, dipl.politolog)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravljanje društvenih djelatnosti,
pitanja boraca i opću upravu



Broj stanovnika i udaljenost mjesnih zajednica od administrativno-upravnog sjedišta Grada

RB	MJESNA ZAJEDNICA	BROJ STANOVNIKA po evidenciji Odsjeka za administraciju PU Zavidovići
1.	ASIM ČAMDŽIĆ	5374
2.	KLEK	4692
3.	BRANIOCI GRADA	3545
4.	DUBRAVICA	1796
5.	DOLINA-ALIĆI	1251
6.	PAŠIN KONAK	3174
7.	MEĆEVIĆI	1386
8.	VOZUĆA	1934
9.	RIBNICA	925
10.	MAOČA	306
11.	RUJNICA	1748
12.	KOVAČI	4537
13.	BREZIK	1327
014.	KRIVAJA-SMAILBAŠIĆI	484
15.	GOSTOVIĆ	3223
16.	DONJI GOSTOVIĆ	1107
17.	LOVNICA	1431
18.	MAHOJE	394
19.	DOLAC	132
20.	STIPOVIĆI	619
21.	KRIVAJA	708
	UKUPNO	40093

*Broj stanovnika preuzet iz evidencije prijave boravka u MUP-u-Odsjek za administraciju Zavidovići
na dan 10.8.2017.godine

Grad Zavidovići, Ul. Safvet bega Bašagića bb. 72220 Zavidovići
tel: 032-206-780, fax: 032-206-706, www.zavidovici.ba, opzdici@bih.net.ba

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za Statut i propise

Broj: 01-11-226/23-AP-2

Datum: 20.02.2023. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 17. sjednici održanoj dana 20.02.2023. godine, razmatrala je Prijedlog Odluke o finansiranju redovnog rada mjesnih zajednica u 2023. godini, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o finansiranju redovnog rada mjesnih zajednica u 2023. godini, u skladu sa zakonom i drugim propisima.
2. Komisija za Statut i propise smatra da je Prijedlog Odluke o finansiranju redovnog rada mjesnih zajednica u 2023. godini, pripremljen u skladu sa članom 31. stav (1) tačka 1) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) i članom 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022).
3. Komisija za Statut i propise smatra da je Prijedlog Odluke o finansiranju redovnog rada mjesnih zajednica u 2023. godini, pripremljen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08).
4. Prijedlog Odluke o finansiranju redovnog rada mjesnih zajednica u 2023. godini, dostavlja se predsjedavajućem radi uvrštavanja u dnevni red sjednice Gradskog vijeća.
5. O realizaciji ovog Zaključka starat će se Stručna služba Gradskog vijeća.

ZAMJENIK PREDSJEDNIK KOMISIJE

Amir Tursić, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za budžet, finansije i
ekonomska pitanja**

Broj: 01-11-226/23-AP-3

Datum: 20.02.2023. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), Komisija za budžet, finansije i ekonomska pitanja na 12. sjednici održanoj dana 20.02.2023. godine, razmatrala je Prijedlog Odluke o finansiranju redovnog rada mjesnih zajednica u 2023. godini, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o finansiranju redovnog rada mjesnih zajednica u 2023. godini.

2. Komisija za budžet, finansije i ekonomska pitanja, konstatuje da je u Budžetu Grada Zavidovići za 2023. godinu, na transferu „Tekući transfer mjesnim zajednicama“, planiran iznos od 100.000,00 KM.

3. Prijedlog Odluke o finansiranju redovnog rada mjesnih zajednica u 2023. godini, dostavlja se predsjedavajućem radi uvrštavanja u dnevni red sjednice Gradskog vijeća.

4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za poslove mjesnih zajednica

Broj: 01-11-226/23-AP-4

Datum: 20.02.2023. godine

Na osnovu člana 40. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za poslove mjesnih zajednica na 3. sjednici održanoj 20.02.2023. godine, razmatrala je Prijedlog Odluke o finansiranju redovnog rada mjesnih zajednica u 2023. godini, pa nakon rasprave donijela

ZAKLJUČAK

1. Komisija za poslove mjesnih zajednica prihvata Prijedlog Odluke o finansiranju redovnog rada mjesnih zajednica u 2023. godini.
2. Prijedlog Odluke o finansiranju redovnog rada mjesnih zajednica u 2023. godini, dostavlja se predsjedavajućem radi uvrštavanja u dnevni red sjednice Gradskog vijeća Zavidovići.
3. O realizaciji ovog zaključka starat će se Stručna služba Gradskog vijeća.



PREDSJEDNIK KOMISIJE

Hakija Mušanović